

тақтаның ашылу салтанатына қала әкімі Әмірхан АСАНОВ қатысып, бұл шараның мән – маңызына тоқталды.

«Аяған Исмағұлұлы сынды қан майданда кеудесін отқа тосып, Жеңіс күнін жақындатқан ардагерлеріміздің есімін әрқашан құрметпен еске аламыз. Бүгінгі іс шара соның бір көрінісі болмақ. Олай болса, батыр атамыздың ескерткіш тақтасының ашылуымен құттықтай отырып, елімізде бейбітшілік мәңгілік орнасын, енді соғыс болмасын деп тілеймін! Тәуелсіз елімізде, бүгінгідей татулықта ғұмыр

талауымен марапатталған.

Сондай-ақ 1949 жылы демобилизациядан кейін туған елінде ішкі істер органдарында – комендант, учаскелік комиссар, аға детектив қызметін адал атқарып, полиция майоры атанған. 1963 жылдан бастап Қамысты, Жітіқара, Әулікөл, Құсмұрын, Жангелдин аудандарында полиция бөлімінің меңгерушісі, ішкі істер бөлімінің бастығы болған. Ішкі істер органдарындағы мінсіз қызметі үшін І ші дәрежелі мадақтамалар мен «Үздік» милиция майоры төсбелгісін иеленген.



Ерлердің есімі - мәңгі өшпейді

Тарихымызда аты алтын әріптермен таңбаланған, күллі қазаққа аңсаған арайлы ақ таңын атырған Ұлы Жеңіс туының көкте желбірегеніне биыл 80 жыл толып отыр. Осы айтулы жылға орай Арқалық қаласындағы облыстық №2 ғылыми-әмбебап кітапханасында «Мәңгі өшпес ерлер есімі» атты тарихи кеш ұйымдастырылды.

Аталған іс-шараға Ұлы Отан соғысының қасіретін бастан кешкен, ауыртпашылығын қара нардай көтере білген майдан және тыл ардагерлерінің ұрпақтары – А. Нұржанов, А. Абдуллина, С. Бапақова, Ж. Абдрахмановтар шақырылды. Тарихи күн қарсаңында ұйымдастырылған шарада кеш қонақтары зұлмат жылдар мен елге аман-есен келіп, туған жерді түлетуге жантәнімен ат салысып, сұрапыл соғыстың сынынан

сүрінбей өткен жауынгер аталарымыз Нұржан Абдуллин, Мырзахмет Бапақов, Жәкіш Әбдірахман (Шаһмардан) жайлы ой тарқатып, ерен еңбекпен жеңісті жақындатқан тыл ардагері Қарпық Нұржанұлы туралы баяндап берді.

Тағылымды шарада Ұлы Жеңіске арналған майдан әндері шырқалып, сұрапыл соғыстың қасіретін айшықтайтын қойылым қойылды және майдангер аталарымыздың қиын

да ерлікке, қарама-қайшылыққа толы жолдары жайлы сыр шертетін әдебиеттерден тұратын «Тарихтан тағылым – өткенге тағзым» атты жылдық кітап көрмесі таныстырылды.

Белгілі қаламгер Ілияс Жансүгіровтің «Өз ұлын, өз ерлерін ескермесе, ел тегі, қайдан алсын кемеңгерді» деген ұлағатты сөзі бар. Зұлмат жылдар туралы, оның әрбір күні мен сағаты тарих парақтарында жазылып, жеңістің оңай-

лықпен келмегені белгілі. Сондықтан бейбіт күннің қадірін біліп, отты жылдарды басынан өткеріп, өз отбасыларына тірі келіп, еліміздің соғыстан кейінгі өрлеуіне елеулі үлес қосқан қаһармандардың есімдері мен атқарған ерең ерліктерін білуі және қастерлеуі – кейінгі ұрпақтың парызы.

**Гүлзат ӘМІРХАН,
Облыстық
№ 2 әмбебап ғылыми
кітапханасының
кітапханашысы**